

INTRODUCTION

Self-Help Groups (An'tangtango dakchakgipa Dolrang) ian kangal aro galchipe dongipa manderangko apsan chimmonge uamangni nengnikaniko naljokatna bikotgipa dol onga. Ia SHG methodko government, NGO's aro a'gilsakni banga dolrangan jakala. Jekai Bangladeshni Graman Bank, ian kangal manderangni bikotgipa bank onga aro ianoniko uamang loan raon ontisa sudkosan gamna nangaia. Kangal manderang ia bank-o ontisa tangkako dona aro iana uamang ontisa sudna loanko ra'e chongipa businessko abachengna cholko mana. Hajalni hajal Bangladeshni manderang, SHG-chin uamangni janggikø, nokdangko aro songsarko tangdoatenga. Indiani government daoni 9th. Five Year Plano ia SHG-ni kamko namnikbatenga aro ia dolgita developmentko jatingoni dakna joton ka'enga.

SHG-NI GITA SOCIO-ECONOMICNI DINGTANGANI

Banga songrangan banga nengnikanirang donga, jekai cha'a sia, skia mangijani, changa sapa komiani, tangka paisa chimmongani aro be'eno saa dingani. etc. Ia nengnikanirangko changpengna mande saksande amja. Mande kumongani donggenode a'brikoba apal pilatna amgen, maina dol-o pilakan an'tangni uia aro changasapako parakgen, pilakan saksa sakgipinko dakchakgen, didigen aro saksa sakgipinni nangako masigrikgen. Indaken SHG kangal aro galchipako mangiparangna banga dingtanganiko rabaha. Songni siloro namrooani mande saksanno pangchakja indiba jinmaosa. Uan daken songo SHG-ko bokotani nangchongmotgipa kam onga.

SHG- NI ORTO

1. SHG ian namroo aro siloroako rabagipa dol mongsongbate kangal aro hajira kam ka'e chagiparangna onga.
2. Iana registration kana nangja aro Governmentni rachakgimin onga.
3. SHG-ni miksonganiara kangal aro hajira kamka'e

chagiparangko bilakatna, jekai uamangni kam aro tangka paisa manao.

4. An'chingni mikkangchi janggi tanggnina tarisoani sakantini kam onga, aro iana an'ching sakprakprakan an'tangtango tarina nanga.

SHG-KO BIKOTANI NIAMRANG

1. Dalbea namdapaniko rabana jinmani kucholsan onganichi am'a.
2. Krenganiko chusokatna kucholsan bebera'ani aro kucholsan dakchakanio pangchakka.
3. An'ching sakantian apsan ongchina aro iana daito ongchina.
4. An'ching sakprakprakan dolni nanganina kangkare kana nanga.
5. Jeko chanchioba jinmani namnikao pangchakchina. (Jekai sak 10-oni saksa rachakjaode, sak 9 rachakoba, ua saksa rachakja dipat chanchianiko rachakna manjawa.)
6. Apsan jinma dolgita kam ka'anichi an'chingni janggi tangani gadangko namdapatna mangen, ian sakantini bebera'ani aro kumitchetani ongchina.
7. Member sakantini chimmonganiko mikkangchi dolni namgina jakalchina.

MEMBER ONGANI

1. SHG-o memberang batgipan sak 10 ongchina.
2. Ia sak 10 manderang apsan songni ba biapni ongchina.
3. Jemangan salprakna hajira kamka'e cha'enga ba japrakko Tg.1000/- na komia, uarang mangmangsan ia dolko bikotna mangen ba member onga mangen.
4. Uamang bilsa 16, ba una batode nambata.
5. Ia SHG-ni sak 10 manderang chongmottan song apsanoni ripengrang ba noksulrangba onga mana.
6. Ia dolo me'chik ba measa dongna mana, ba dingtangnaba mana.

7. Sak 10 manderang apsan incomeko antio/japrako mangiparang onga nanga.

SHG-KO BIKOTANI

1. Sak 10 manderang jemangan SHG-ko bikotna gisik nangenga, anti 3-na gronggrike chanchianiko dakchina, anti gitamni gisepon kamao onsogiminrangni gimin chanchi china
 - SHG ni orto
 - SHG ni niamrang
 - SHG o member ongan
 - SHG ko chusokatani/chalaiani.
2. Antigni chanchirimanio member sakprakan antangni dakna sikaniko parakchina ba antangni kamni gimin parakchina.
3. Antini/jani chugimik tangkako donani gimin chanchichina.

SONGO SHG-KO BIKOTANI

1. Song gesao jegitaba SHG-rangko bikotna mana. Uarangko dingtangna numberko jakalna mana. Jekai :
 - Songni bimung SAWA, SHG-ni number :
 - SAWA SHG-1
 - SAWA SHG-2
 - SAWA SHG-3

SHG-KO CHALAIANI

1. SHG-rang dol-ni Chairmanko bilsisana seokchina
2. SHG-rang dolni Secretaryko bilsa sana seokchina.
 - * Chairman dolni pal ongchina aro meetingko dilchina.
 - * Secretary sea jotani kamrangko dakchina.
3. Jeni gimin chanchioba dol-o singehengchina, parakchina aro pilakni namnikako rachina.
4. Nian retirangko dol tarichina.

5. Tangka paisako bankko donode nambata.
6. Meetingko jao changprak ongatna nangchongmota. Indiba dol namnika ongode una bateba mangen.
7. Recordko rakiani
 - Chanchirimaniko serikani register
 - Hisab ka'ani register
 - Maikai tangka paisa mana uko serikani register.
8. Bilsa anti Marchni 31 tariko Secretary annual reportko onchina, jekai tangkako ripingani, srona onnani aro gipin kamrang.
9. Meetingo chanchina nanggiparang
 - i) Japrako tangkako ripingani report, aro bankko dongkuenggipani report.
 - ii) Japrakko ripingani aro
 - iii) Gipin chinchina nanggnigiparang.

TANGKA PAISA MANANI ARO LOAN

1. SHG jadokna ripinganiko dakchina.
2. Jadokni jamano SHG memberangna loanko onna chanchichina.
3. Sud, badita tangka aro basako chotpilani uko dol tikkachina.
4. Lapko rabagijagipa kamna loanko onjachina.
5. Je kamrangan tangka paisa mananiko dakchaka, bajarni bewalo pangchakchina. Maina bajarni bewalan lapni kamko tandoatna ba gima'atna mana. Uni gimini pilak memberangan jeko dakna skangba bajarni bewalko masi'e rano nangchongmota.
6. Pilak income ongatgipa kamrangko chalaingita dingtangmancha changa, sapa ba uianiko nanga. Iana SHG-ni memberang antangni mandeko ski'e rachina cholko onna nanga.

MEMBERKO RAGALANI

1. Je memberan meetingo chang gitanna joljol absent onga

2. Je memberan dolni miksongani, naim aro chalaianiko pegala.

RIK GAL GIMIN MEMBERONIKO LOANKO CHOT PILANI/ CHIMMONGANI

1. SHG ragal gimini memberna bilsa bonao (31st. March) uni tangkako sudgri onpilgen.
2. Ragal gimini member loanko sud gnang chotpilna nanggen.

SHG-NI ATCHIANI

Jensalo pilak memberang SHG-ni miksongako uia, uamang salko tik ka'e japrakko chimmmonganina chanchichina. Ia salkon SHG-ni atchiani sal ine donchina, maina ua sal intal SHG Dingtangani ramako abachengaha.

NOTE

- i) Pilak SHG-ni memberang dolni mansongani, niam, member ongani aro chalaianiko tale masina nanga. Iarango name masijaode dolko begruatgen. Uni gimini dolko bilakatna gita, banga somoiko rachenge. dolni gimini tale masina nangchenga.
- ii) Je manderangan SHGs-ko form ka'achim, jagittimni jamano Block Development Officer (B.D.O.) na Gram sevaks/sevikas-ni through uiatna nang'a. Ia uiatanian areako develop ka'ana aro schemeko maidake jakalna nanga dakchakgen.

SELF

HELP

GROUPS

Prepared by A. K. Nongkynrih
Translated by John T. Sangma, Dept. of Sociology,
NEHU,
Shillong-793014.